

荊州駐防八旗志

荊州駐防八旗志卷十一

卷十一

人物志

恩遇

儒林

文苑

孝友

忠義

判州駐防八旗志卷十一

人物志第一

恩遇

福順祿滿洲正紅旗人善射嫻將略乾隆朝官協領  
從征苗疆同事失利委過於祿遂罷官嗣見知將軍  
興肇復擢驍騎校引見時面奏從前被誣狀適征  
苗經略某凱旋侍上側亦自引咎得旨以防禦  
記各旋補協領每召對悉中機宜賜克什有  
御用盃其後裔猶尊藏之

阿爾納蒙古鑲白旗人官協領有惠政任滿入覲

奏對稱 旨賜黃馬褂一領玉盃摺扇各一鄉里榮之

噶勒柱字中峯少有大志勇於任事由協領擢保定城守尉調興京以能稱遷總管內務府大臣充伊犁領隊大臣權盛京將軍事時軍政漸弛噶勒柱力矯之以是叢怨會有盜 陵樹者忌者劾之逮問 上幸圓明園噶勒柱伏道旁中懇 上問爲誰左右以名對 上曰是荆州駐防善清語者耶因以國語詰之噶勒柱以國語自陳事得白左遷三等侍衛旋授熊岳副都統以疾乞休性孝友勵清節官塞上垂三

十年歸時惟朝衣數襲舊書兩篋俸餘四百金耳壽  
八十一卒

荊州駐防八旗志卷十一

人物志第二

儒林

來福滿洲鑲紅旗人好讀書不求仕進課讀數十年多所造就平日擁皋比爲諸生講貫勤懇不倦殫殫不繼晏如也著有滿漢幼學小學習清語說等書至今學繙譯者奉爲先導

復蒙字雷泉滿洲鑲紅旗人幼慧性復誠篤操筆爲文長老驚異嘉慶初各省駐防始設學蒙以冠軍補弟子員丁卯舉京兆庚辰成進士註銓知縣父噶勒

杜官塞上蒙隨侍最久青海白登之間山川風土皆  
考證詳記著書滿篋松文清相國與其父稱莫逆交  
召致門下學益進庚辰會試獲售相國手書桂林一  
枝崑山片玉爲贈生平獎掖後進以敦品力行相勗  
荆郡駐防嘉慶丙子始與省試士無師法得蒙提倡  
風氣始振門下士多取科目爲名宦者道光初鎮國  
公辭齡帥荆廷爲上客凡地方利益皆助成之著有  
塞外總略東行小鈔詩古文數種卒後以後裔式微  
散秩然品望卓卓膠庠之士首稱之

閻照字達泉滿洲鑲白旗人少從師問業卽留心宋

五子之學嘉慶己卯舉於鄉家居授徒嘗謂門下士曰程朱註四子書非漢儒所能夢見而說經則漢儒近古各有師承至於古人詩文各有短長但當取其精華不必分唐界宋也生平以禮法自持一望而知爲有道之士鄉里婦孺無不知關先生者著有書經圖說詩易約註行文要訣賞心集待梓

貴昌蒙古鑲紅旗人誕時父夢儒服者入室遂生昌幼慧誦四子書過目不忘及長貫徹經史授徒數十年專講程朱之學門下多列庠序登賢書者著有讀易管窺勉學日記待梓

斐仁阿字天遠號扶九滿洲鑲白旗人幼敏悟喜讀  
書經史百家無不博覽適駐防改行繙譯遂習清文  
相傳其誕時父夢一道士背袂入門俄而仁阿生有  
臂綴一瘤及壯瘤愈大而學愈進性澹泊不慕榮利  
以授徒爲業家貧無隔宿糧晏如也嘗言腔子裏有  
些渣滓卽是自坎生平不忤物不做世親黨隣里有  
爭者常以一言解之輒服年六十以癩破卒用布衣

一說馬

廣音額字鏡秋滿洲鑲白旗人父積學弱冠後屢歲  
序賦防改試繙譯遂習清文咸豐戊午舉於鄉事繙

母孝與兄居數十年友愛無間初錫武烈爲翼長勳  
賊潛沔聘襄文案叙功授通政司知事以母老不就  
授徒自給每教人曰言忠信行篤敬先儒謂終身行  
之不能盡此爲學之本務也世以爲名言著有學庸  
補義待梓

荊州駐防八旗志卷十一

人物志第三

文苑

德通保蒙古鑲黃旗人家貧好學通經史尤深清文  
任鄂垣繙譯官制府某諗其學行延教子弟循循訓  
迪講藝外不及他事制府愈禮重之年衰目青當道  
猶爭聘焉著有滿漢幼學明聖經等書先爲後進指  
南

喜成蒙古鑲白旗人諸生文章行誼矜式桑梓尤精  
書畫不規規於織小家數豪於飲醉後濡墨益工屏

利祿設帳旗藝數十年如一日荆防登賢書者多出其間至今頌德教焉

德昭字克菴富察氏滿洲鑲紅旗人少孤貧苦學及長工詩嫻翰略乾隆中湖南苗民逆命從征襄理軍務設方略多奇中參贊大臣額勒登保器重之嘉慶元年隨將軍興公轉戰川楚秦豫剿抗戈登行者數年嘗有從軍詩悲壯蒼涼人多傳誦旋奉檄調至會垣充繕譯官當道推重然耿介不阿僅官防禦年七十回卒著有容安詩稿存二卷

文用字子清滿洲正紅旗人嘉慶戊寅舉人性情和

平學養深邃與從弟文斌同堂講業塾師許其達到  
應禮部試屢薦不售齋志以終

文斌字曉峯文明從弟也勤學好古爲文戛戛獨造  
嘉慶己卯舉於鄉屢上春官不第選授國子監博士  
未久告歸主教本旗義塾循循善誘成就頗多

勒豐額滿洲鑲紅旗人道光辛巳 恩科舉人性  
平好讀書精天文術數由 大挑二等游陞東陵員  
外郎性情正直不妄接物公餘之暇手不釋卷著有  
天文易解

達哈遜字厚占滿洲正黃旗人道光乙酉舉人性抗

直嚴於嫉惡百家無不涉獵尤精於易占卜多驗主  
義堯國十年成就無算協領霖慶道員錦瑞議即堯  
申爲位祀之其勳人景慕如此

廷春字仁山滿洲鎮白旗人家貧孝友曲盡憤志詩  
書將軍德楊奏舉以訓入旗義塾翰林聯與其高足  
也仕後猶訓誨不倦歷任將軍皆禮重之仕至左翼  
家百協領

德爾字樹滋進士復蒙子也少孤迫家難至冠始就  
塾宮承天寺夜讀膏燭不給乞僧舍斷香以照尋入  
庠道光己亥舉於鄉適駐防改試繕譯遂留意漢唐

文宇尤長於詩癸卯挑授小京官不就歸授徒里門  
多所誘掖善畫工琴築小隱山房集名流彈琴賦詩  
爲樂咸豐初粵賊犯境副都統魁玉帥師防勦聘襄  
軍務叙功保知縣戊午銓授福建大田己未充鄉試  
同考旋卒著有小隱山房詩鈔

博勒廣阿滿洲鑲藍旗人工書得歐陽率更遺意一  
時碑碣盡出其手由文生員充督撫繙譯官當道皆  
望之仕至防禦卒

春秦字堯階滿洲鑲白旗人道光辛卯舉於鄉孝友  
積學里當於式家居授徒以敦品力學爲教得其指

授者咸擬魏科以去進士鐵魁其尤著也性嚴正爲鄉誼里中善舉必力贊成之晚年吟咏自娛有詩盈篋進士達信什襲藏焉

全善字仲元蒙古正白旗人性爲孝友聰穎父母絕愛憐之年二十六遽卒生前著述其父慟子以攻苦致疾遂盡火之曰是所以天吾兒也親友於煨燼中拾得四書補義六卷歲丙子次子舉於鄉持以就正全祇祥時雨觀察付崇文書局梓焉

荊州駐防八旗志卷十一

人物志第四

孝友

蘇倫泰滿洲正紅旗人乾隆年間擬授佐領例當赴  
都會母病慨然曰子欲養而親不在貴爲王侯奚補  
哉遂不赴躬侍湯藥數月母病以痊其佐領之缺另  
授將軍上其事 欽賜孝廉方正額獎之

依勒棟阿滿洲鑲藍旗人童佳氏事母孝每出外歸  
必問安否然後理家事嘉慶元年勦白蓮教匪叙功  
授佐領年八十三卒

順德清湖鎮整旗人事母色養備至官協領有政聲  
嘉慶壬戌九月大風振屋入夜愈甚德恐驚母守榻  
側不稍離天未明德之寢室傾圮以侍母得無恙

全順蒙古鎮紅旗人父母早世事繼母孝謹每旦起  
盥櫛畢必先朝母母病五十餘日侍湯藥尤虔母卒  
順已六旬哀慕如孺子出殯時身與昇柩之役廬墓  
者三年

慶雲蒙古鎮紅旗人性友愛事兄以禮凡有所爲必  
兄許可而後行嘗曰五少失二親不及奉養敬兄卽  
所以敬親也官至佐領

吉瑞字蘭亭滿洲鑲白旗人年十七入庠道光乙未  
舉於鄉敦品力學刻苦無間寒暑人以大器目之性  
純孝父善病躬侍湯藥累年不懈嘗夜禱於神乞以  
身代父病旋瘳子德標嗜學仗義饒有父風

甘春滿洲鑲黃旗人事親先意承志父病湯藥嘗而  
後進侍榻累月目不交睫父母相繼歿哀毀骨立屢  
於墓側守古禮三年之制撫弱弟以恩義弟亦成立  
任本旗教習垂三十年訓生徒必以孝友爲本

扎勒哈蘇字壽林咸豐甲寅粵逆陷楚隨其父涼州  
副都統魁玉援武昌居圍城數月食盡蘇羅掘奉父

已或竟日忍饑城陷統帥走父決意殉難蘇侍左右  
侍護甚至相率登城給蘇他顧遂躍墮城下蘇亦號  
泣從墮父在地暈絕蘇以矯捷無恙即負父行數里  
父得甦復負以超足裂見骨至行營招合傷殘軍勢  
復振助成其父克復漢沔之功後蘇任廣東四會惠  
大埔有政聲

通德 字漢洲 札勒哈蘇弟也 父隨其父魁玉官江  
寧副都統時粵氛衝江左王師進勦每戰必求與父  
偕又憐其幼不許則跪而泣許從行乃已庚申春勦  
時丹陽德哩突圍出回顧不見父復衝賊入單騎往

復賊不敢逼稍間見父刃傷仆地昏不知人卽下騎以口吮瘡血裂襟裹之負父上馬已徒步異之中塗復斬三賊追及大軍後以軍功洊陞叅領

珠克騰布號楚仙滿洲正黃旗人事親孝定省溫清夙夜不懈朝夕奉甘旨躬親執役饌後乃退父母疾醫藥祈禱寢食俱廢愈始安雖年逾五十慕親之誠與總角時無稍異而學問淵邃精通清漢設教旗塾多所裁成道光間由總教習屢擢至佐領歷任皆有政聲共沐德化咸豐初粵逆犯順荆郡戒嚴委查滿漢城垣梭巡所至誦誦然教兵丁以戰守之法冒風

用犯霜露動不言勞功不自伐當道深倚重之其秉性鯁直不屑干謁奔競故未見大加升賞以佐領卒於官

恩明蒙古鑲紅旗人性謙冲事父母以孝稱誼尤篤同氣與前母兄恩濟極相友愛奉命承教維謹聚處數十年家庭和藹從無詬誶聲姊妹繁多婚嫁奩粧之資皆明獨力摒擋身心交瘁絕不與兄分任勞苦濟老而無子出次子嗣之年四十九以疾終易箆時命二子立於床前猶諳諳以善事伯父爲遺教云

文錦字繡齋滿洲正紅旗人幼通翰墨淡榮利不求

聞達父兄相繼辭世佐母理家政撫季弟文連成名  
不憚辛勤事母孝先意承歡年逾六旬母亦八十有  
八朝夕不廢定省無異成童母常笑而頷之母病親  
侍湯藥嘗而後進母卒號慟幾絕致櫻鼻舄如注因  
以不起殯葬時勉強舁至隴邱而返猶以廬墓禮缺  
深自泣責未終制亡

扎拉蘇滿洲鑲藍旗人年十一母病幾殆蘇焚香泣  
禱判臂肉療之母病遂瘳

長允滿洲正白旗人九齡失怙母寡家貧貿易奉甘  
旨弗缺稚弟習射讀書皆親教之家事不以累弟以

至成立

阿達布滿洲鑲藍旗人母病瘵布割臂雜藥飲之母  
旋起

珂凌阿滿洲正藍旗人幼失怙家貧行賈供甘旨迨  
長以善貨小康尤善事兄兄性懇急阿承順無違凡  
有所需必如所欲而後已星者卜其無子年三十竟  
生子人以爲孝友致福云

荊州駐防八旗志卷十一

人物志第五

忠義

吳塔齊蒙古鑲黃旗人以勇健從龍入關大兵攻圍  
莒州雲梯未立齊越壕一躍而登手刃數人衆軍繼  
進遂克其城叙功授雲騎尉世職子帕護襲天下旣  
定追念舊臣晉騎都尉四世後綠事仍降雲騎尉世  
襲同替

董柱滿洲鑲藍旗人以開國功授騎都尉世襲同替  
博羅兒蒙古正黃旗人以開國功授騎都尉世襲同替

寶畢罕官驍騎校天聰間征遼陣亡奉 特旨賞給

恩騎尉與四世孫承襲罔替並入祠

瑚圖滿洲正紅旗人以佐領銜出征四川時秦州北  
山有僞將軍吳之茂率賊萬餘至官兵挑濠樹柵以  
拒圖奮力鏖戰遂歿於陣授雲騎尉准承襲兩次給  
恩騎尉罔替

觀音保滿洲鑲紅旗人由正黃旗協領於乾隆六十  
年隨將軍公興肇征苗在湖南牛蓮池追賊落水殞  
命照陣亡例給雲騎尉世襲入祠

訥清阿滿洲鑲黃旗人由正白旗防禦於乾隆六十

年隨將軍公興肇征苗在湖南乾公坪力戰陣亡卹  
廕如例

勇福保滿洲正藍旗人以鑲白旗驍騎校於乾隆六  
十年從征苗匪六月中在湖南岩門力戰陣亡卹廕  
如同

蘇都哩蒙古正藍旗人以正白旗驍騎校於嘉慶元  
年六月間隨副都統成德征勦教匪在湖北當陽縣  
屬力戰陣亡卹廕如例並入祠

永怡布滿洲正黃旗人以正白旗佐領於嘉慶二年  
隨將軍公興肇征勦教匪是年九月在湖北田家壩

鄧應如例

連陞滿洲鑲白旗人以領催委官於嘉慶二年隨將軍公興肇征勦教匪是年九月在湖北田家壩戰歿鄧應如例

鳳祿滿洲正白旗人以前鋒委官於嘉慶二年隨將軍公興肇征勦教匪是年九月在湖北田家壩戰歿鄧應如例

舒德滿洲鑲白旗人以領催委官於嘉慶二年隨將軍公興肇征勦教匪是年九月在湖北田家壩戰歿鄧應如例

八十七滿洲正白旗人以領催委官於嘉慶二年  
將軍公興肇征勦教匪是年九月在湖北田家壩戰  
歿卹廕如例

札拉豐阿滿洲鑲紅旗人以前鋒委官於嘉慶二年  
從征教匪在湖北長坪地方陣亡卹廕如例

富清滿洲正紅旗人由協領於嘉慶三年隨副都統  
海興阿征勦教匪於當陽長坂坡一帶扼要防守首  
逆張瀚湖樹幟立馬於羣賊中指麾來撲清與防禦  
四德義憤勃發直衝賊堅賊立潰瀚潮抱頭狂竄清  
與四德縱騎追之手戮數十人及河洛地方中槍歿

於陣事聞奉 殊批可惜加倍恩卹欽此部議從優  
給騎都尉餘如例

達期那滿洲鑲藍旗人官本旗蒙古佐領嘉慶三年  
隨征教匪擊賊於河溶酣戰追入賊營力竭被害事  
聞賜雲騎尉世職餘如例

四德滿洲鑲藍旗人官正紅旗防禦嘉慶三年亦隨  
海與阿征勦教匪於當陽首逆張瀚潮勢猖獗德與  
協領富清不甚憤激聯騎直衝其堅賊遂潰而同陷  
陣中左右決蕩所殺過當追至河溶並以身殉事聞  
與富清同有可惜之褒卹廕如例

額爾齊蘭滿洲正紅旗人領催委官

花沙布滿洲鑲紅旗人領催委官

陰騰祿滿洲正藍旗人領催委官

福蘇滿洲鑲藍旗人前鋒委官

花尚阿滿洲鑲黃旗人領催委官

甯柱滿洲正白旗人領催委官

三音布蒙古正白旗人領催委官

蘇克精額滿洲正紅旗人領催委官

額爾精額滿洲鑲白旗人領催委官

札勒杭阿滿洲鑲紅旗人前鋒委官

以上十員嘉慶三年隨協領富清勦賊於當陽一帶三月十九日在河浴楊家港等處陣亡均卹

廕雲騎尉入祠

果勒敏阿滿洲鑲白旗人抗直有膽略官正白旗協領嘉慶三年從征教匪於當陽親執大旗督陣與賊鏖戰逾時賊敗竄追及石牌伏賊突起遂陷重圍力盡而死事聞 睿廟批可惜旋奉 諭海與阿一路前在石牌打仗陣亡之協領果勒敏阿等俱著加等議卹部臣遵 旨從優議給騎都尉世襲餘如例

阿爾薩蘭滿洲正藍旗人官本旗佐領

福祿滿洲鑲黃旗人官正白旗佐領

薩哈布滿洲正藍旗人官鑲黃旗防禦

滿棟阿滿洲鑲藍旗人官本旗防禦

阿爾吉善滿洲正紅旗人官鑲紅旗驍騎校

靈海滿洲鑲藍旗人官本旗驍騎校

哲庫蒙古鑲藍旗人官正黃旗驍騎校

以上七員嘉慶三年隨征教匪於石牌鍾祥等處

打仗陣亡均 卹應雲騎尉入祠

鳳德滿洲鑲藍旗人官正黃旗佐領

長祥保滿洲鑲白旗人官鑲黃旗防禦

以上二員於嘉慶二年八月十二日隨征教匪在  
西鄉縣屬黃河堤地方力戰陣亡均 卹雲騎尉

入祠

關興保滿洲鑲黃旗人官正紅旗防禦嘉慶二年從  
征教匪於三年九月初十日在通江縣屬柏林灣地  
方打仗陣亡 卹廕如例、

孫札齊蒙古鑲白旗人官鑲黃旗防禦嘉慶二年隨  
征教匪於三年八月二十五日在陝西南鄭縣屬小  
頃地方陣亡 卹廕如例

長柱滿洲鑲黃旗人官本旗驍騎校嘉慶二年隨征

教匪於三年八月十五日在陝西南鄭縣屬小墳地  
方陣亡 卹廕如例

珠爾杭阿蒙古鑲紅旗人官正紅旗滿洲驍騎校嘉  
慶二年隨征教匪於三年九月初十日在通江縣屬  
柏林灣打仗陣亡 卹廕如例

烏爾滾布滿洲正藍旗人官本旗驍騎校嘉慶二年  
出師湖北於三年八月十四日打仗受傷四年五月  
十八日傷亡卹廕如例

百順蒙古正黃旗人官本旗佐領於嘉慶五年閏四  
月隨將軍明亮征勦教匪在湖北南漳縣屬馬家灣

地方陣亡 卹廕如例

佛爾精額滿洲正白旗人以防禦署叅領出征四川  
進攻達爾圖山梁等處打仗受傷身故加 恩照陣  
亡例 賞給雲騎尉世職餘如例

那全滿洲鑲黃旗人原籍彰呢城納喇氏乾隆三十  
三年隨將軍永瑞出征雲南所向著奇功三十八年  
隨將軍綽和諾出征金川勦滅僭拉促侵等處迭蒙  
賞戴花翎頭等功牌六軸以功歷陞右翼蒙古協領  
嘉慶二年隨將軍公興肇征勦教匪五年二月十八  
日勦賊於陝西洵陽縣屬之三岔河全勇略素著有

戰必先借佐領那敏身入賊窟斃賊差夥賊憤而  
刺徧體鱗傷罵不絕口遂遇害數日得其骸猶執刀  
作殺人狀生氣凜然

那敏滿洲正白旗人官鑲白旗佐領

全福滿洲正黃旗人官鑲紅旗蒙古佐領

德昌滿洲鑲藍旗人官本旗蒙古防禦

倭克濟那滿洲鑲黃旗人官正白旗防禦

勝柱蒙古正白旗人官鑲白旗驍騎校

南山滿洲鑲白旗人官鑲黃旗蒙古驍騎校

薩勒杭阿滿洲鑲紅旗人官正白旗驍騎校

拴柱滿洲鎮藍旗人官本旗驍騎校

佛爾果布滿洲正白旗人前鋒委官

以上十員於嘉慶二年隨征教匪二月十八日在陝西洵陽縣屬三岔河地方打仗陣亡均 卹雲

騎尉入祠

阿卜當阿蒙古鑲白旗人官鑲黃旗滿洲防禦嘉慶六年十二月隨奏贊大臣德楞額奏征勦教匪在四川廣漢縣屬之王家壘打仗陣亡 卹廕如例

吉祥滿洲鎮紅旗人道光初隨湖北提督程德全在湖南匪氛功補把總咸豐二年粵逆犯鄂設守文

門礮臺城陷奮身迎擊賊不能當其黨自後路之罵  
不絕口遂投諸火被害最烈 卹廕雲騎尉如例並  
入祠

赫特亨額蒙古鎮紅旗人善射多力道光己亥武舉  
咸豐初任武昌把總粵逆犯鄂赫特亨額晝夜巡防  
不稍懈城陷巷戰賊盡披靡其黨圍集力竭遇害妻  
依爾根覺羅氏子喜瑞同時殉焉 賜卹雲騎尉如  
例

頑祥及弟會祥滿洲鑲白旗人咸豐三年頑祥以題  
補副都統入都弟會祥亦赴武會試事竟南旋道出

滄州時變逆國滄甚急防兵單不敷戰守禎祥兄弟忠義奮發抵背擊賊直抵城下縋而上助守十餘日城益固賊斃甚九月二十五日賊擁至西門遂陷後賊殺當先悍賊數人援絕遇害事平滄州紳民皆

賜卹而禎祥兄弟道出此間非其本旗不得與光緒元年合恩李相國修畿輔通志滄人上其事行查姓  
其家始同於 朝兄弟各給雲騎尉世職並入祠  
扎克當阿滿洲讓白旗人國初巴圖魯一等男諡忠  
勇穆克爾音也以理甘肅任西安副都統廕生咸豐  
年間隨征粵匪有功咨封王國材龍威橋之堤河

援應另股賊竄南岸副都統貴陞駐江隄阿請渡江  
往勦弗許國材偉之適賊大股犯潛江直逼荆郢貴  
陞往勦爾時阿亦積功擢安嶽撫標守備不之任請  
從母力止之阿弗允決裾而去未幾卽有漁泛洪之  
戰賊在隔岸誘官軍渡河伏盡起阿踴躍奮擊殺賊  
最多力竭死後覓得遺齒鱗傷幾徧猶握刃不釋事

聞 詔贈都司卹廕入祠如例

有貴滿洲正藍旗人以武生歸標候補把總咸豐三  
年隨總督楊需出師屢著戰功嗣在都城地方打仗  
陣亡 卹廕如例

添昌滿洲鑲白旗人官佐領性慷慨有識略從征逆  
匪每戰必先善使流星錘時號無敵與喜良日夜俱  
喜良滿洲正藍旗人官鑲黃旗防禦火多力嘗從湖  
北提督羅斯舉學能握雙刀舞光閃閃眩人目而不  
見其身咸豐間隨勒武昌與佐領添昌俱稱驍勇時  
我軍移駐洪山扼賊去路昌謂良曰我軍新來賊之  
虛實未悉曷私探之良諾二人馳抵賊壘賊圍之數  
重統兵者聞之大驚率眾登山但見二人呼躍縱擊  
勇氣彌增刀錘所至人馬皆辟易衝突既久始大呼  
曰吾去矣於是連騎緩轡以歸賊備恐眩目不敢言

統兵者甚壯之未幾賊諸路至與我軍戰於豹子海  
昌與良先發陷陣手刃數悍賊賊頗却繼見我軍寡  
乃麴集夾攻殊死戰會後隊爲賊所圍昌與良策馬  
馳救忽陷濫淖中賊爭憤欲擒之二人卽棄乘躍於  
岸抵背迎敵賊之前者輒爲刀錘所斃賊教以矢  
遙射之一時箭下如雨貫於體者如蝟相持時許乃  
死事 上各賞雲騎尉世職餘如例

貴松滿洲鑲藍旗人官本旗驍騎校

訥清額滿洲正藍旗人軍功卽補驍騎校

有良滿洲鑲黃旗人軍功六品頂戴

恩全滿洲鑲黃旗人軍功六品頂戴

定貴滿洲鑲白旗人軍功六品頂戴

春貴滿洲鑲白旗人軍功六品頂戴

德克德克滿洲鑲白旗人軍功六品頂戴

揚俊滿洲鑲白旗人軍功六品頂戴

德芳滿洲鑲白旗人軍功六品頂戴

依綿圖滿洲鑲白旗人軍功八品頂戴

培德滿洲鑲白旗人軍功七品頂戴

祥明滿洲鑲白旗人軍功六品頂戴

玉壽滿洲鑲白旗人軍功七品頂戴

存秀滿洲鑲白旗人軍功八品頂戴

春瑞滿洲鑲白旗人軍功八品頂戴

金玉蒙古鑲白旗人軍功六品頂戴

墨爾格蘇蒙古鑲白旗人道光甲辰 恩科武舉人

成文蒙古鑲白旗人軍功八品頂戴

依勒通阿蒙古鑲白旗人軍功八品頂戴

依精阿蒙古鑲白旗人軍功六品頂戴

額勒赫圖蒙古鑲白旗人軍功六品頂戴

吉昆蒙古鑲白旗人道光己酉科武舉人

連祥蒙古鑲白旗人軍功七品頂戴

發陞蒙古鑲白旗人軍功八品頂戴

金發蒙古鑲白旗人軍功七品頂戴

貴芳蒙古鑲白旗人軍功七品頂戴

貴林滿洲鑲白旗人軍功七品頂戴

成培滿洲鑲紅旗人軍功八品頂戴

全祿滿洲鑲紅旗人軍功七品頂戴

吉瑞滿洲鑲紅旗人軍功六品頂戴

良順滿洲鑲紅旗人軍功六品頂戴

長秀滿洲鑲紅旗人武生員

長祥滿洲鑲紅旗人軍功七品頂戴

忠興滿洲鑲紅旗人軍功八品頂戴

春慶滿洲鑲紅旗人軍功六品頂戴

達哈蘇滿洲鑲紅旗人軍功七品頂戴

松序滿洲鑲紅旗人軍功八品頂戴

烏勒西蘇滿洲鑲紅旗軍功六品頂戴

果楞額滿洲正藍旗人軍功六品頂戴

慶康滿洲正藍旗人武生員

志貴滿洲正藍旗人道光戊子科武舉人

俊成滿洲正藍旗人武生員

春芳滿洲正藍旗人武生員

科卜通武滿洲正藍旗人軍功六品頂戴武生員

都依奇滿洲正藍旗人軍功六品頂戴

廣興滿洲正藍旗人武生員

都亨布滿洲正藍旗人軍功八品頂戴

札清阿滿洲鑲藍旗人軍功六品頂戴武生員

長壽滿洲鑲藍旗人軍功七品頂戴

文秀滿洲鑲藍旗人軍功六品頂戴

阿爾蘇納滿洲鑲藍旗人軍功七品頂戴

多祿滿洲鑲藍旗人軍功六品頂戴

俊發滿洲鑲藍旗人軍功七品頂戴

文秀滿洲鑲藍旗人軍功七品頂戴

吉壽滿洲鑲藍旗人軍功七品頂戴

春格滿洲鑲藍旗人軍功七品頂戴

連德滿洲鑲藍旗人軍功七品頂戴

算卓布滿洲鑲藍旗人軍功七品頂戴

特蘇布滿洲鑲藍旗人軍功七品頂戴

東強滿洲鑲白旗人軍功六品頂戴

俊芳滿洲鑲白旗人軍功七品頂戴

鈕勒洪阿滿洲鑲白旗人軍功七品頂戴

阿達布蒙古鑲白旗人軍功六品頂戴

全海蒙古鑲白旗人軍功七品頂戴

金發蒙古鑲白旗人軍功七品頂戴

訥穆精圖蒙古鑲白旗人軍功七品頂戴

吉康滿洲鑲紅旗人軍功八品頂戴

長忠滿洲鑲紅旗人軍功七品頂戴

吉福滿洲鑲紅旗人軍功八品頂戴

額騰額蒙古鑲紅旗人軍功七品頂戴

穆特哩滿洲正藍旗人軍功七品頂戴

吉祥蒙古正藍旗人道光戊子科武舉人

吉潤西蒙古正藍旗人軍功八品頂戴

圖瓦謙圖蒙古正藍旗人軍功七品頂戴

長海滿洲鑲藍旗人軍功七品頂戴

連城蒙古鑲藍旗人軍功八品頂戴

奇扯布滿洲正白旗人軍功六品頂戴

德玉滿洲鑲紅旗人道光甲午科武舉人

珠勒西蒙古鑲紅旗人軍功七品頂戴

諾們額滿洲正藍旗人軍功七品頂戴

豐紳圖蒙古正藍旗人軍功六品頂戴

順玉滿洲鑲藍旗人軍功七品頂戴

以上八十一員各值咸豐初年粵逆犯楚北漢黃

汙潛一帶賊蹤殆遍自鄂垣失守後兵無銳志於是當道者 奏調荆防勁旅隨前任京口副都統魁玉馳往救援兩軍相持僉以打仗奮勇臨陣爭先論功各賞予軍功頂戴三年十二月十六日我軍駐省外洪山連營結寨扼賊咽喉斷絕糧道以困之賊屢撲窳被我軍併力堵截連戰擊退賊窘甚罄全軍蜂擁集擗死衝突晝夜無少挫無何賊援兵四至內外圍攻勢甚迫適我軍漸次失利雖前敵死亡踵接尸骸枕籍而後軍猶賈餘勇再戰再厲短兵相接壯氣倍增奈衆寡不敵同昨

殉難事

聞均卹廕雲騎尉世職入祀

安泰滿洲鑲黃旗人武生員

富循滿洲鑲黃旗人武生員

清泰滿洲鑲黃旗人文生員

色克通阿滿洲鑲黃旗人武生員

連慶滿洲鑲黃旗人軍功七品頂戴

慶瑞滿洲鑲黃旗人軍功六品頂戴

喜全滿洲鑲黃旗人武生員

喜貴滿洲鑲黃旗人軍功七品頂戴

存善滿洲鑲黃旗人軍功七品頂戴

色呼額滿洲鑲黃旗人軍功七品頂戴

麟祥滿洲正黃旗人軍功八品頂戴

穆騰阿滿洲正黃旗人軍功八品頂戴

雙祿滿洲正黃旗人軍功七品頂戴

珠爾罕圖滿洲正黃旗人軍功六品頂戴

瑞玉滿洲正黃旗人武生員

春成蒙古正黃旗人軍功八品頂戴

湯松阿蒙古正黃旗人武生員

連城蒙古正黃旗人咸豐辛亥 恩科舉人

阿拉善蒙古正黃旗人軍功六品頂戴

興昌滿洲正白旗人軍功八品頂戴

廣全滿洲正白旗人軍功六品頂戴

穆特克滿洲正白旗人軍功六品頂戴武生員

長惠滿洲正白旗人武生員

廣慶滿洲正白旗人軍功七品頂戴

春亮滿洲正白旗人軍功七品頂戴

連德滿洲正白旗人軍功八品頂戴

興發滿洲正白旗人軍功七品頂戴

薩畢哩滿洲正白旗人軍功七品頂戴

達泉蒙古正白旗人領催文生員

春光滿洲正紅旗人軍功六品頂戴

兆瑞滿洲正紅旗人武生員

武格滿洲正紅旗人道光己酉科舉人

尚玉滿洲正紅旗人軍功七品頂戴

玉瑞滿洲正紅旗人軍功八品頂戴

額勒克滿洲正紅旗人武生員

強謙布蒙古正紅旗人軍功七品頂戴

德壽蒙古正紅旗人軍功六品頂戴

訥伍額蒙古正紅旗人軍功七品頂戴

阿克敦阿蒙古正紅旗人軍功六品頂戴

吉忠額蒙古正紅旗人軍功七品頂戴

德玉蒙古正紅旗人軍功六品頂戴

塔斯哈圖蒙古正紅旗人咸豐壬子科武舉人

豐紳圖蒙古正紅旗人道光甲辰 恩科武舉人

德壽蒙古正紅旗人軍功七品頂戴

烏勒西蘇蒙古正紅旗人軍功六品頂戴

春元滿洲鑲白旗人道光丙午科武舉人

諾爾布滿洲鑲白旗人武生員

金發蒙古鑲白旗人軍功八品頂戴

恩慶滿洲鑲白旗人軍功七品頂戴

東昌蒙古鑲白旗人軍功六品頂戴文生員

倭克精阿蒙古鑲白旗人軍功八品頂戴

四代蒙古鑲白旗人武生員

吉賞蒙古鑲白旗人軍功六品頂戴

榮貴滿洲正藍旗人軍功七品頂戴

齊德滿洲正藍旗人道光丁酉科舉人

連科滿洲正藍旗人軍功八品頂戴

鳳瑞滿洲正藍旗人道光庚子科武舉人

都亨布滿洲正藍旗人軍功八品頂戴

文忠滿洲正藍旗人軍功七品頂戴

吉蘭阿蒙古正藍旗人軍功六品頂戴

依勒圖蒙古正藍旗人軍功六品頂戴

琅察滿洲鑲藍旗人軍功六品頂戴

淩壽滿洲鑲藍旗人軍功八品頂戴

達哈蘇滿洲鑲藍旗人軍功六品頂戴武生員

達哈布滿洲鑲藍旗人道光乙未恩科舉人

發嶺阿滿洲鑲藍旗人道光丙午科舉人

金壽滿洲鑲藍旗人軍功六品頂戴

玉興滿洲鑲藍旗人軍功七品頂戴

連輝滿洲鑲藍旗人軍功七品頂戴

金安滿洲鑲藍旗人軍功六品頂戴

興發滿洲鑲藍旗人軍功七品頂戴

文貴滿洲鑲紅旗人軍功七品頂戴

恩德滿洲鑲紅旗人武生員

春壽滿洲鑲紅旗人武生員

春貴滿洲鑲紅旗人軍功七品頂戴

成發滿洲鑲紅旗人軍功八品頂戴

連瑞滿洲鑲紅旗人軍功六品頂戴

玉發滿洲鑲紅旗人軍功九品頂戴

發興滿洲鑲紅旗人軍功六品頂戴

湯武蘇滿洲鑲紅旗人軍功六品頂戴

扎拉蘇滿洲鑲紅旗人軍功六品頂戴

福興滿洲鑲紅旗人軍功六品頂戴道光丙午

科武舉人

根發滿洲鑲紅旗人軍功六品頂戴

有慶蒙古鑲紅旗人軍功六品頂戴

金福蒙古鑲紅旗人軍功六品頂戴

占楚洪阿蒙古鑲紅旗人軍功七品頂戴

額勒登圖蒙古鑲紅旗人軍功八品頂戴

喜貴滿洲正藍旗人道光己亥 恩科舉人

慶喜滿洲正藍旗人武生員

雙明滿洲鑲藍旗人軍功八品頂戴

文瑞滿洲鑲藍旗人軍功七品頂戴

迎福滿洲鑲藍旗人軍功七品頂戴

順貴蒙古鑲藍旗人軍功七品頂戴

中秋蒙古鑲藍旗人軍功七品頂戴

俊魁滿洲鑲藍旗人武生員

以上九十五員各咸豐初年隨征粵匪擄戮數載  
所向各立功績或於二三年應援武漢或於四年  
龍陂橋之捷多以勞績膺軍功頂戴者五年正月

賊陷襄河盤踞沔潛復有另股肆竄賊勢甚張省  
門飛檄奏調副都統貴陞督師赴援與賊連戰於  
岳家口等處皆勝之賊走渡河土有鬥志而賊之  
大股隔河爲柵鎗銃莫及會賊以疲卒往來游弋  
設伏彼岸以誘我軍統兵者督各隊渡焉甫及岸  
賊伏盡起相持於漁泛洪地方戰既久矢藥漸亡  
皆死之二月二日事也嗣奏入 詔均賞雲騎尉  
世職入祠

訥穆精額噶扎爾地方蒙古鑲白旗人巴哩克氏世  
襲雲騎尉咸豐四年以軍功洊保遊擊署遠安營遊

擊調宜昌中營遊擊七年賊竄夔陵總兵某藉出防  
遁去宜昌居民遷避一空賊至夜明珠地方去城不  
十里額以兵單糧少不如伺其初至乘疲乏挫之乃  
集所部數百人激以大義眾慨然諾啓闕直搗賊壘  
奮擊斬獲甚多賊大隊益擁而進額往來策應遂陷  
重圍力竭歿於陣事聞 詔賞雲騎尉如例

榮志字遠亭滿洲正白旗人咸豐初以諸生從戎八  
年除廣西興安知縣有政聲移知馬平值賊犯境即  
督勇堵剿在縣境炭棚嶺罵賊殉難事聞 賜卹雲  
騎尉如例

福瑞字芝田納音巴瓜勒佳氏滿洲正白旗人咸豐三年由佐領叙功授山西甯武營叅將狇匪趙連城作亂統兵赴平陽克之旋調大原而陳時事撫軍蹇之河防戒嚴委署蒲州協副將賊遁去乃上所輯河防要畧暨剿撫事宜撫軍嘉納九年豫省徵兵瑞奉檄往每以少勝多所向克捷由陳鹿與南陽總兵邱聯恩追剿五晝夜天日爲之冥瑞通奇門以身入重地擬按兵稍憇而聯恩意在乘勝速竣乃進及北舞渡遇伏戰死事聞 賜諡果愍予雲騎尉世職餘如

例

積綸字厚莽傅察氏滿洲鑲紅旗人官廣西潯州通判權梧州同知咸豐八年五月艇匪薄郡城軍無糧民心惶懼綸慨然獨資役馬餉士城守以堅九年權西隆州地接滇黔夙號難治綸躬爲化導闔境翕然適苗民倡亂十年正月追賊於藍龍塘遇伏死詔贈道銜卹廕如例

錫齡阿字松亭蒙古正白旗人幼穎悟英偉通百家言尤愛談兵稱述古名將事咸豐初粵逆陷楚垣州戒嚴將軍官文素重其人以佐領任爲襄長戰其立備四年夏賊竄江陵之龍破橋副將王國才率軍

餘人迎剿相持正急齡阿以防軍繼進賊立潰時賊  
大股踞監利齡阿乘銳往擒其酋三人荆郡以安叙  
功 賞花翎加協領銜五年賊由漢川上窺荆襄齡  
阿奉檄往設伏於仙桃鎮大破之賊憤將分塗上犯  
又蹙之於襄河溺斃無算奏入 詔以副都統簡用  
六年襄河再陷齡阿與副都統魁玉赴援賊併力死  
拒齡阿身受矛傷血透衣表呼躍奮擊勇氣倍增賊  
竄沔陽堅壁不出齡阿偵悍賊悉守東南約道員常  
恩張旗幟作外攻狀密率精騎由西北躍登其陁賊  
驚潰城遂復天潛京澳諸邑以次告克七年 召入

都授福州副都統八年調乍浦抵任講求武備築城  
濬隍簡兵籌餉若有大敵至者十年春賊以十萬衆  
犯浙偵乍防兵單又僻在海隅糧援不繼兼行圍其  
城齡阿率二子員外郎榮輝主事榮耀晝夜巡警撫  
循士卒曉以大義衆感動守益固賊憤甚潛鑿地道  
火藥轟之城陷齡阿方守他陣大呼曰此吾投命日  
也率二子巷戰殉焉妻胡札氏女一媳一皆自焚事  
聞 賜諡武烈賞給輕車都尉世職餘如例

瑪璘阿滿洲正黃旗人以五品軍功中咸豐戊午鄉  
試庚申從征揚州雙橋等處打仗陣亡經部從優議

鄭賡位領銜 賞雲騰尉世職入祀

文瑞字雪勳克什克騰氏蒙古鑲藍旗人咸豐五年  
粵逆陷鄂蔓延潛沔瑞以驍騎校隨翼長錫齡阿防  
剿復潛江縣城普防禦賞花翎六年攻襄河遷都司  
八月賊竄漢川大掠及沔隨副都統魁玉相機堵剿  
敗賊於朱備山肅清仙桃鎮襄河悉平授江西西安  
營參將八年克復撫州加副將銜賊趨浙杭州告急  
奉調往援擒斬甚夥乘勝克餘杭縣城以總兵記名  
賊犯湖州瑞復與湖州紳士趙景賢敗賊於機坊港  
楊家莊等處湖圍以解賞庫木濟拉特依巴圖魯勇

陸十一一年羅處州總兵八月紹興陷杭城戒嚴巡撫  
王有爵急徵同杭協守賊圍杭城連營二百里糧援  
俱絕草根樹皮皆盡守陣死傷畧盡十一月城陷瑞  
提刀直前斃賊無數賊怒以洋鎗圍擊遂撲地死有  
隨丁匿於民舍三日收其尸徧體皆鉛子傷而手猶  
握刃云狀上 予謚果毅贈提督銜卹廕廝都尉兼  
一雲騎尉子德玉以文生承襲

思善字晉三蒙古正黃旗人幼嗜學弱冠神詣生身  
匪獲部遂投筆從戎叙功授南安府同知髮逆由鄂  
起江首蹂躪無完土兼任鼓勇士民招鄉團悉力守

禦賊圍府城急喜躬率兵民登陴巡守相持數月屢  
挫賊鋒糧盡援絕城陷猶巷戰逾時力竭被害事聞  
賜雲騎尉世職入祠

松慶滿洲正黃旗人由五品軍功儘先驍騎校從征  
陝西同州府屬羌白鎮王家村打仗陣亡贈防禦銜  
賜雲騎尉世職入祠

同慶字福堂滿洲正紅旗人咸豐初楚北用兵慶以  
雲騎尉效力印房治軍書無誤以功擢佐領換花翎  
十一年欽使多隆阿奏調赴皖襄理文案同治元  
年五月攻克廬城晉協領二年援西安所向有功以

副都統記名四年以勞卒於營所 旨以慶轉戰數  
省賞葬銀二百兩廕一子焉

連慶滿洲鑲黃旗人都司銜卽選衛守備咸豐壬子  
科武舉同治間隨征湖北河南剿捻逆於楊家峰永  
隆河受傷身故卹廕如例